



12157

唐柳先生集卷之三十九

奏狀

為廣南鄭相公奏百姓產三男狀



右臣所部貞節坊百姓某妻產三男者臣詳究往例實謂休徵已量事給絹三十疋充其乳養者伏以陛下勤郵黎元感通天地靈心昭答景福已興方使億兆繁滋區夏充牣音仍故表祥於字育是啓運於升平事杳化源慶延邦本麟羽之瑞曾何足云臣幸列藩維嘗叨樞近私賀之至

為薛中丞浙東奏五色雲狀

元和中薛平或云薛戎

柳文

三十九卷

右臣得管內台州奏月日五色雲見者一州官吏僧道者老悉皆瞻覩已具奏聞并寫圖奉進者伏以景雲上瑞王者社符煥彩彰之在天知聖德之昭感伏惟陛下化孚有截詩相土烈烈海外有截注截整齊也道洽無垠承天地之貞明導陰陽之和氣遂使紛紛郁郁自東而徂西若煙非煙一旬而再至徵諸古謀事罕前聞伏乞宣付史官以昭簡冊

為裴中丞奏邕管黃家賊事宜狀

裴行立

右今月四日邕管奏事官嚴訓過稱押衙譚叔向等與黃家賊五千餘人謀為翻動雖已誅斬猶未清寧

當時差本道同十將其至邕管界首賓州以來迎探事宜無爲聲援昨得十四日狀并嚴訓狀報同其黃家賊並已退散各歸洞穴訖伏以鼠竊狗偷非足爲患陛下威靈遠被神化旁行遂使姦狡之謀先期而自露狡一作猾回邪之黨不戮而盡夷伏恐飛章已達吉語未聞尚軫天心猶煩廟筭臣謬居方鎮忝接疆界所得事宜不敢不奏

讓監察御史狀

宗元爲監察御史裏行

右臣伏準名例律諸官與父祖諱同者不合冒榮居之臣祖名察躬今臣蒙恩授前件官以幼年逮事王

柳文

三十九卷

二一

父祖也禮律之制所不敢踰臣不勝進退惶恐之至謹詣光順門奉狀以聞伏聽勅旨貞元十九年閏十月日具官臣某奏奉勅新除監察御史柳宗元祖名察躬準禮二名不偏諱不合辭讓年月日檢校司空同中書門下平章事杜佑宣

爲京兆府昭應等九縣訴夏苗旱損狀

右臣謬領京畿已逾兩月政術無取誠懇莫申遂使雨澤憊時田苗微損夙夜兢懼寢食靡遑今長安一十四縣並準常年例全徵其昭應等九縣臣各得狀並令詳審各絕隱欺謹具別狀封進臣當府夏統通

計約二十九萬石以上據所損於免祗當三萬石有餘恤人則深減數非廣伏以聖慈弘貸憫念蒸黎臣忝職司不敢不奏無任慙懼之至謹錄奏聞伏聽勅

旨

為南承嗣請從軍狀

文南霽雲

故某官贈某官某乙男某官某乙

右臣亡父至德之歲死節睢陽

睢宣佳切

陛下每降鴻恩

必加褒寵臣自七歲即忝班榮

承嗣七歲為婺州別駕

垂五十

年常居祿秩再守遐郡

為施涪二州刺史

績用無成終貽官

謗甘就嚴譴

劉闢反承嗣以無備謫永州

無以負荷先志報効殊

柳文

三十九卷

三

私以慙以懼隕越無地伏見某月日勅

元和十四年十月

以

王承宗負恩干紀命將徂征雷霆所加殄滅在近臣

竊不自揆思竭忠誠願預一卒之任以答百生之幸

庶得推鋒觸刃摩壘搴旗

左氏傳靡旌摩壘摩近也塞愆蹇二音取敵之旗也

冀獲盡於微誠儻不墜於遺烈踴躍之至夙夜不寧

敢希皇明俯鑒丹懇臣聞周官考藝國子置車甲之

司周禮夏官諸子掌國子之倅若有兵甲之事則授之車甲

漢道推恩孤兒備羽

林之用

武帝養死事之子號羽林孤兒

千秋思奮於事越

漢武帝時南越呂嘉

反韓千秋奮曰願得勇上三百人必斬嘉以報

仲孺期死於奔吳

前漢灌夫字仲孺父

死吳軍仲孺奮曰願取吳王若

義激君臣名高竹帛

將軍頭以報父仇遂馳入吳軍

臣雖無似有慕昔人雖身塗草野死而不朽披肝瀝
血味死上陳無任懇迫忠憤之至謹錄奏聞伏候勅
旨

進農書狀 農書三卷

右伏奉某月日勅宣以二月一日為中和節所司進

農書永以為恒式者 貞元五年詔 臣伏以平秩東作虞書

立制倣載南畝周雅垂文此皆奉天時以授人盡地

力而豐食自陛下 德宗也 惟新令節益厲農功既立典

於可傳每陳書而作則耕鑿之利敷帝力於嘉謨稼

穡之難動天心於睿覽勤勞率下超邁古先凡在率

柳文 三十九卷 四

土不勝幸甚前件農書謹函封進謹奏

代人進瓷器狀 瓷器才資切陶器之緻堅者

瓷器若干事 一本無此一句 右件瓷器等並藝精埴埴 埴音和

土也埴承職切黏土也 制合規模稟至德之陶蒸自無苦窳 窳音

甫切空也病也史記舜陶河濱器不苦窳 合太和以融結克保堅貞且無

瓦釜之鳴 賈誼賦黃鐘毀棄瓦釜雷鳴 是稱土劍之德 劍音刑當

也以感菜韓非子 器慙瑚璉 祭宗廟玉器 貢異器丹 祭音

日堯舜舜土劍 既尚質而為先 禮記郊祭器用陶匏尚質也 亦當無

而有用 老子埴埴以為器當其無有器之用 謹遣某官某乙隨狀封進

謹奏

柳州舉監察御史柳漢自代狀

元和十年

右某準從前赦文常參官上後舉一人自代者

元和六年

伏見前件官頗有才行長於政術久歷嶺南使職

臣之所知敢舉自代無任懇迫之至

上戶部狀

左降官員外置同正員俸料舊用戶部省員闕官錢充今請改授正官占闕不用上件錢每年約計數萬貫

右伏以左降官是受責之人都不釐務戶部錢是準

勅收貯不合別支又所授員外官亦非舊制宗元在

永州日見百姓庄宅公驗有司戶李邕判給處足明

柳文

三十九卷

五

皆是正官今請悉依故事為準並廢員外所置凡在

貶黜授以正員責其成功俾無虛授貯錢既免支用

加數足應軍須實冀貨不濫分官無曠職謹狀

柳州上本府狀

上柱管觀察府

莫誠救兄莫蕩以竹刺莫果右臂徑十二日身死其莫誠禁在龍城縣準律以他物毆傷十二日辜辜內死者各依殺人論

右奉牒準律文處分者已帖縣準牒待秋分後舉處

分訖伏以中丞渠行慈惠化人孝悌成俗屬吏所見

皆許申明至公之下敢竭愚慮竊以莫誠赴急而動

事出一時解難為心豈思他物救兄有急難之戚中

臂非必死之瘡不幸致殂揣非本意按文固當恭守
撫事似可哀矜斷手方迫於深衷周身不遑於遠慮
律宜無赦使司明至當之心情或未安守吏切惟輕
之願况俟期尚遠稟命不遙伏乞俯賜興哀特從屈
法幸全微命以慰遠黎則必闔境荷慈育之恩豈惟
一夫受生成之賜儻以律文難變使牒已行則伏望
此狀便令廢格音閣輕賜塵黷惶戰交深謹錄狀上奉
聽處分

為裴中丞伐黃賊轉牒

裴行立

嘗管奉詔與諸管齊進

當管柱管也諸管謂容管邕管廣南等路

誅討邕

柳文

三十九卷

六

管草賊黃少卿漢軍馬步等若干人各具兵馬數及
軍將若干前牒奉處分竊以天啓昌期大功畢集神

開興運微惡盡除黃少卿等歷稔逋誅舉宗肆暴

黃洞

前領黃少卿少度少卿子昌馮昌謹等自貞元以來數為邊害前後陷十餘州恃狡免之宄

踰伏偷安

踰阻頑莊祿二切縮足屈狀也

憑孽狐之丘跳踉見怪

孽魚

列切妖也跳徒彫切踉良郎二音見賢適切以為威弧不射天網可逃侵

逼使臣隳犯王略恣其毒虐速我誅鋤敵國盡在於

舟中

吳起云過師已期於席上

趙充國上屯田云信威千里從枕席過師謂

宜投戈頓顙回縛乞身歸郡邑於王官效黎獻於天

吏而乃繕兵補卒增壘閉途正當天討之辰更積鬼

誅之罪莊子為不善於幽闇之中者鬼得而誅之乘輕聞蟻勇劣怒蛙非

子越王伐吳欲人之輕死也出見怒蛙乃為之軼從者曰奚敬於此王曰為其有氣故也纖縞當

強弩之初強弩之末不能入魯縞孤豚償肥牛之

下債方問切什也左傳昭公十三年羊牛雖瘠債於豚上其畏不死事同拾芥力易摧

枯杪忽蜂腰虛見辱於齊斧齊如字又側皆切張軌云黃鉞斧也張晏云整

齊也突梯鼠首濫欲寄於旄頭突吐忽切梯音脫旄頭胡星也天子前驅勦

絕有時勦子小切不索何獲索色窄切左某拱稽致命國

擁鐸拱稽注拱持也稽榮執銳忘生車甲既備於小

戎鯨鯢豈逃於大戮左傳宣公十二年取其鯨鯢而封之以為大戮注鯨鯢大魚名

以喻不義之人吞食小國切觀上略總帥中權左傳宣公十二年

柳文二十九卷七

也謂軍中制謀戰士義激於身心列校勢成於臂指蹶張之

技盡出於山林蹶音厥前漢以材官蹶張注材官之

有蹶張士師古曰今之弩以手張之曰擘張以足蹶者曰蹶張拔距之材徧徵於川

洞前漢甘延壽傳投石拔距注顏師古曰拔距者賞

懸香餌令布疾雷莫不鼓舞戎行虔恭師律投軀不

憊於羽檄憊與愆同漢高祖紀注檄木簡長二尺徵召急則插以鳥羽示急也跂足唯

俟於牙璋璋琢以為牙齒兵象故以發兵今日某

日秦事官米蘭迴捧受詔命神飛首勇足蹈心馳懼

聲洽於萬夫勝氣橫於千里國容不入履且及於寢

門司馬法古者國容不入軍軍容不入國也左傳宣公十四年楚子投袂而起履及於室皇劔及於寢

門之外注室家事勿關土已填於左闔國語勾踐代吳入命夫人

自今日以後內政無出外政無入內有辱是子也外有辱是我也王出夫人送王不出屏乃闔左闔填之

以土卽以月日全軍出次分道並進所期勦力敢告同

心孔大夫御史大夫嶺南節度使孔戮貞直冠時清明格物全體

許國一心在公兵精食浮為日固久容府揚中丞揚當

作陽御史中丞容管經畧使陽旻以義烈為己任勲襲太常安南李

中丞御史中丞安南都護李象古曹王李臯之子以英武為家風業傳曩

器並膺邦寄克達皇威南則浮海濟師共集堂堂之

陣東則橫江誓衆用成善善之功以此鼓行坐觀盡

敵刑惟勿喜誅有可哀微側之勇冠一方竟就伏波

柳文

三十九卷

之戮後漢交趾女子徵則反伏波將軍馬援斬之呂嘉之威行五嶺終摧

下瀨之師瀨音賴前漢武帝紀甲為下瀨將軍下蒼梧得呂嘉首遂定越地嗟此陋

微自貽擒滅勉成良畫速致殊勲雖荒微之地固不

勞於有征徵古弔切邊隅而昇平之年將自此而何事書之

竹帛實謂揚名事須移牒隣管以成犄角舉牒者犄居

犄反偏引也左氏晉諸捕鹿晉人角之諸戎犄之注犄其足也

賀誅淄青逆賊李師道狀賀中書門下

右今月三日得知進奏官其報前件賊以前月九日

克就梟戮者伏以天啓聖期神資良弼必有懲討以

致昇平蠶爾兇渠敢行悖亂締交於雷霆之下締丁計切

寇宗計吳元濟李師道王承宗陰黨援乃伏盜京師刺用事大臣效逆於化育之辰

逞材聲以欺天恣狼心而犯上嘉謨克協威命旁行

破竹寧比其發機走丸未喻於乘勝濁河清濟曾無

溝澗之虞濟子禮切清濟貫濁河大峴琅邪不聞涯岸之阻峴胡

典切天兵四合賊衆屢摧然後赦劫脅之辜許其歸復

寬註誤之典期以撫循註音卦前文帝紀濟北王反註誤史民外怛皇

威中感聖德雖在梟鏡梟堅堯切鏡當作鏡前漢志注梟鳥名食母破鏡獸名食

父如龜而虎眼豈不知歸是以未極誅鋤遽聞內潰鯨鯢已

戮見東海之無波氛沴盡銷仰太陽之普照功格於

天地化合於陰陽一德方繼於商書降神自同於周

柳文 三十九卷 九

雅遂使垂白遺老再逢天寶之安指紳諸生遠期貞

觀之理其特承朝獎謬列藩臣常以突刃觸鋒未爲

効節高原潤草豈足酬恩寤寐撫心不遑寧處今則

削平之際慙無尺寸之功開泰方初徒受丘山之寵

無任憤激屏營之至抃舞歡慶倍百恒情

賀平淄青後肆赦狀 賀中書門下

某官某乙右某伏奉二月二十二日德音以淄青削

平慶賜大洽率土之內抃躍無窮伏惟周滅三監但

明誅放之罰漢平七國更嚴斬殺之科未有翦覆兇

渠撫存疑類威暫行而德洽誅纒及而恩加操兵者

悉獲歸休未耒者更聞優復與之種食

種章勇切豐以賞

財疾苦盡除鰥孤咸育葬戰死之骨增以賞延憐刃

傷之肌存其廩給滌山川之舊污申節義之餘寃功

多受三事之榮

詩三事大夫注三事三公也元和十四年斬李師道田弘正奏捷加弘正

檢校司徒同平章事

節著有十連之寵

禮記十國以為連連有帥劉悟斬師道詔以劉

悟為義成軍節度使

較然逆順益以彰明和氣遠周罷七旬之

于羽仁風溥暢收六月之車徒寰海永康夷夏均慶

其忝司戎旅獲奉昇平當伊尹無耻之辰見咎繇惟

輕之德

咎繇即皋陶字

抃躍之至倍萬恒情無任慶賀之至

賀分淄青諸州為三道節度狀

賀中書門下

柳文

二十九卷

十

右某伏見某月日制分淄青諸州為三道節度都團

練觀察等使者害氣盡除和風溥暢裂壤既分其形

勝經野必正其提封河濟異宜海岱殊服八命作牧

周禮八命作牧九命作伯

無聞威福之源十國為連已肅澄清之

政鼠無夜動

左傳襄公二十三年滅孫曰夫鼠晝伏而夜動

鴉變好音

詩泮水

惠澤豈俟於崇朝仁化寧期於必代遂使琅邪卽墨

田生無慮其異謀

前漢高祖紀田肯曰齊有琅邪卽墨之饒南有泰山之固北有蜀河

之限非親子弟莫可王齊者

聊攝姑尤晏子但聞其善祝

左傳昭公二十

年晏子曰祝有益也詎亦有損聊攝以東姑尤以西為人也多矣注聊攝二城齊西界姑尤二水齊東界

恭以相公墓參禹績制出蕭規

楊子蕭也規曹也隨

光輔聖神

永康黎獻其獲逢開泰忝守方隅并躍之誠倍百恒品

代裴中丞上裴相賀破東平狀裴行立賀裴度

右伏以逆賊李師道克就梟擒已具中書門下狀賀
訖其忝居末屬同族屬特受深恩踴躍不寧輒復披露

竊以自古中興之主必有命代之臣一德同功以叶

休運故申甫方邵成宣王復古之勲申伯尹吉甫方叔召虎吳

鄧寇耿致光武配天之業吳漢鄧禹寇恂耿弇此皆上下齊志

中外悉心雖成功則多而陳力甚易豈若閣下挺拔

英氣邁越常流獨契聖暮以昌鴻業廟略初定異議

柳文 三十九卷 十一

紛然詆訕盈朝萋斐成市萋音妻斐音匪詩云萋兮斐兮成是貝錦閣下

秉心不惑定命彌堅討淮右之兇則下車而授首吳

服恒陽之虜則馳使而革心裴度遣柏耆說王承宗承宗遂獻德棣二

况師道惡稔禍盈鬼怒神怒恣行悖慢敢肆欺誣

天兵四臨所至皆捷次又捨其將校許以歸還罪止

一夫恩加百姓豺狼感化梟鏡懷仁梟堅堯切鏡當作鏡自致

誅夷以成開泰萬方有慶四海無虞遂令率土之人

盡識太平之理盛德大業振古莫儔然則布政明堂

勒功東嶽光垂後祀輝映前王神化允屬於聖君崇

勳實歸於宗袞慶賀之至倍萬恒情

為裴中丞乞討黃賊狀

一本丞字下有上裴相字

其材質無堪授任非次當有事之日忠懇莫施遇成
功之辰慙憤空積陳力之志誓死不渝伏惟仁恩終
賜展効今者中華寧謐負畢力切靜也異類服從唯此南方
尚餘寇孽伏以黃少卿等憑培塿以自固培薄口切塿力狗切
自關而東小冢謂之培塿又云小阜也合莖脆以為強莖寸臥切斬芻也脆此莖切少
奕易斷也劫脅使臣侵暴列郡雖狐鼠之陋無足示威而
隆蠶之微猶能害物蠶丑邁切必資翦伐方致和平庶盡
駑蹇之勞以答恩榮之重撫心踴躍夙夜不寧私布
丹誠取期明鑒無任感激屏營之至

柳文

三十九卷

十二

為桂州崔中丞上中書門下乞朝覲狀

崔詠

右某幸遇文明叨承委寄理戎典郡十有四年瞻戀

元和五年鄧州刺史崔詠除為邕管經略使累

闕庭神魂飛越頃在邕州

禮記有功德於民者加地進律

未遂執珪之

陳誠懇謬尸進律之寵

願左傳朝聘有圭相公膺賢輔聖大叙彞倫中外之臣出入

更踐某自領桂管又逾再周企鸞鷺於紫霄獨無羽

翼仰星辰於黃道徒竭丹誠况正月會朝遠夷皆至

六歲來見要服有期

要一遙切國語注要服六歲一見

豈使班超之

望長懸

東漢班超上疏曰遠處絕域小臣能無首丘北風之思哉

子牟之戀空積

莊子魏公子牟曰身居江湖之上心馳魏闕之下

伏乞特申微願錄受冗員

徵故事而不遺揆夙志而斯畢入天子之國願附禮
於小侯拜宰相之事敢希榮於上客一作上無任懇禱
屏營之至輕瀆威重戰汗伏深謹狀

為南承嗣上中書門下乞兩河効用狀

右伏以越敗夫差多會稽納官之子越語孤子寡婦疾疹貧病者納

官其子注仕趙摧粟腹即長平死事之孤史記趙武成王十五

年粟腹報燕王曰趙壯者皆死長平其孤何者義烈

未壯可伐也燕師至趙燕頗擊殺粟腹之餘色氣猛厲上將効於國用下欲濟其家聲所以

憤激悽愴常思致命者也其先父死難睢陽睢官佳切至德

二載尹子奇陷睢陽陽官南霽雲等事存簡冊累降優詔榮及子孫爰

柳文二十九十三

自緼縲超昇品秩南承嗣以父死事七歲為婺州別駕賜緇魚袋肉食廩給

未嘗暫停頃守涪州屬西蜀違逆承嗣為涪州刺史會劉闢反將

致死命以盡夙心寢戈嘗膽志願未究晉劉琨枕戈待旦又越王

勾踐嘗膽會刀筆之吏寘以深文首級之差今復誰辯前漢

馬唐曰雲中守魏尚坐上功前虜差大級陛下之吏削其爵薏苡之謗不能自明

馬援征交趾餌薏苡軍還載之一車後有猶賴舊勳

上書諸之者以為前所載還皆明珠文犀劉闢反承嗣以食人力之粟守無事之官

謫居樂土無備謫永州拳拳血誠無所陳露伏見明制興師討伐恒冀元和十四

年制削奪成德軍節度使王承宗官爵費一作爾小

以吐突承璀為招討處置使徃征之費爾小爾小醜尚欲逋誅某才非古人志慕前烈願得身當一隊

効死戎行

胡側切

竭平生之忠懇申幽明之冤痛撫劍

心往發言涕零嘗聞漢法有奮擊匈奴者諸侯不得擁遏又况丞相摠軍國之重定廊廟之謀固當弘獎無所棄捐伏乞哀憫收撫以成其心無任懇迫惶恐之至

柳州上中書門下舉柳漢自代狀

元和十年

右伏準元和六年十月十七日勅常參官授上後三日內舉一人以自代便具所舉人兼狀上中書門下者今奏請前件官自代謹連狀

爲長安縣耆壽詣相府乞奏復尊號狀

德宗時

柳文

二十九卷

十四

長安等縣耆壽某乙若干人右某等伏以生長明時游泳皇澤鼓腹且知於帝力食毛敢忘於君恩

左傳昭公

七年食土之毛誰非王臣注毛草也

竊見近者祥瑞所呈周於百郡豐稔之報均于四方有以知上玄降靈誕告嘉應彰我

君文明之化仁育之恩大道旣行鴻名未舉是以殷勤昭著如斯而不已者也某皆陶煦純仁成此耆老生旣無補死而何求唯願上聞帝閣復建尊號用彰聖德以報皇慈披露血誠伏守天闕糜軀碎骨猶生之年謹以今日詣光順門輒進表訖伏惟相公贊翊明主共致太平而使名號尚鬱天人失望草野愚鄙

切有感焉。伏望敷奏之際，開陳其要，俾下情允達。大願克從，退就泉壤。樂而無恨，輕贖國相。伏待典刑。謹狀。

爲京畿父老上府尹乞奏復尊號狀

京兆尹韋夏卿

長安縣耆老某乙等若干人。右某等幸以羸老，獲覩昇平。蹈舞薰風，謳誦壽域。譬之草木，何以報天。寤寐焦勞，不知所措。伏見聖君臨御，玄化升聞。瑞應匝於萬方。匝作答切。與而同。豐報窮於四海，神祇注意。天地傾心，覺悟生人。必有爲者。一本作必。將有爲。蓋以挹損徽號，近二十年。盛德益光大，名未復致遠。邇積慮幽明，憤懷故

柳文

二十九卷

十五

自古以來嘉瑞之至，未有如今歲之盛也。斯乃上玄深旨，下人懇誠，勤勤相符。正在於此，某等眷戀明時，朝夕是切。惟願早復大號，以契天心。庶得聖政益光，鴻光彌遠。少遂踴躍之甚。今請詣光順門進表，昧死上陳。伏以侍郎道合君臣，惠敷黎庶。儻遂收採，愚慮致貢天庭。俾草萊微誠，得達萬乘。非所敢望。惶懼伏

謹狀

唐柳先生集卷之四十

祭文哭辭

一本無哭辭字

祭楊憑詹事文

元和十二年

年月子婿謹以清酌庶羞之奠昭祭於丈人之靈

宗元

嬰憑弟楊疑女為憑之從子婿或云即憑之婿也一本子婿字下有使持節柳州諸軍事守柳州刺史柳

其 鄉雲輪困

困即慶字困區淪切

天漢昭回自然物外寧雜塵

埃公稟間氣

間居見切

心靈洞開翺翔自得誰屑群猜孝

友忠信聞於九垓

音該

擣華發藻其動如雷世榮甲科

大曆九年憑舉進士甲科

亦矜顯處

矜一作矜

公之俊德有而不顧御

史之選朝之所注公勤於養投劾引去

憑從事節度府召為監察

御史不舉檢局輒自免去

時任方隅威刑是務公施其惠亦莫有

還

還五故切與迕同

京兆之難下多怨怒或由以黜瓦石盈

路

貞元中京兆尹李賓與通州長史市里歎呼皆袖瓦礫避道伺之賔由間道獲免

公捍其

強仁及童孺

元和四年憑自江西入為京兆尹

左遷而出擁道牽慕

道峻多謗德優見憎煩言既詆倚法斯繩

憑與御史中丞李夷

簡素有隙夷簡劾憑江西奸賊及他不法詔即臺參訊夷簡痛摘發欲詆以死憲宗以憑治京兆有績但

臨賀州

南過九疑

山名謂謫臨賀時

東逾秣陵

秣陵江寧今建康也謂自

臨賀徙杭州長史

顛沛三載天書乃徵入傳王國嘉聲聿興

自王傳統

年雖始至

入為王傳

詹事東宮致政是膺

太子詹事 年雖始至

道則彌勵頡頏今古

頡頏音抗又音剛與九

優游德藝實期濟發再光文陛誰謂昊天遽茲降厲

嗚呼哀哉某以通家承德夙奉良姻莫成子姓早喪

淑人貞元十五年子厚妻楊氏卒年二十二無子恩禮斯重眷撫惟新綱

繆其志實敬實勤迨今挈然十有八祀家缺主婦身

遷萬里謗言未明黜伏逾紀德輝間絕音塵莫俟歲

首發函視遠如邇雖當沉痾心術猶治撫膺頓首流

泣瞪視瞪文澄切直視貌既歛而還莫傳音旨嚮風長慟於

茲已矣嗚呼哀哉承訃之始卜兆既逾載馳斯文出

拜路隅哀從海滙視齊切禮致皇都寸誠相續終歲不

渝天道悠遠人世多虞寄心雙表謂墓闕長恨囚拘嗚

柳文

四十卷

二一

呼哀哉

祭穆質給事文

一作祭穆撫州文

昭祭於給事五丈之靈自古直道鮮不顛危禍之重

輕則繫盛衰矯矯明靈克丁聖時形軀獲宥獲宥三黜無

虧賢良發策始振其儀天子動容故我直辭貞元元年德宗

策賢良問以天旱穆質對言兩漢故事三載之冊府

命以諫司穆質以制第自抗姦替否與正為期奏書

百上知無不為誰謂劉賈劉向賈誼英風莫追給事黃門

奉職樞機封還付外動獲其宜質累遷給事中政事得失未嘗不盡言

無曠爾位惟公在斯達道之行實惟交友患難相死

其廢日久公實毅然誓均悔咎挺身立氣不改其守

黜刺南荒義言盈口元和四年京兆尹楊憑貶臨賀尉質坐與憑善貶開州刺史

封章致命志期殞首邈矣高標誰嗣於後王命南下

郡符東剖流滯湮淪殲此遐壽或云自開州移撫州未及行而卒耳嗚

呼哀哉公之伯仲信惟先執記曲禮云見父之執執友也穆贊穆員穆賞並

秘書監穆寧之子見子厚先友碑陰記感激之風道同義立中司守直

奸權是襲致之徽纆誣以賄入瑣瑣其徒榜訊愈急

榜薄庾切並也穆贊擢侍御史鞠盧岳妻分財事持平不阿中丞盧紹與宰相實參証贊受金捕送獄侍御史杜倫希其

意銀鍊甚急詔下三司議於洛邑噫我先君邦憲

是輯同上贊弟賞詣闕過登聞鼓訟寃詔三司使柳鎮李觀楊瑀覆治無之值出為邢州刺史鎮亦

柳文 四十卷 三

坐貶夔州司馬平反群枉反字袁切漢書平反注大忤三揖

忤五故切左傳哀公二年三揖在下注三揖御大夫士危法旋加譖言俄及左

宦夔國謂子厚之父坐貶夔州司馬前漢設左官之律注任於諸侯曰左官義夫掩泣

邪臣既黜乃進其級貞元八年實參貶乃召質為刑部郎中端於庶僚

直聲允集虔虔小子夙奉遺則公在郎位再雁擯抑

時忝憲司竊分枉直抗辭犯長有志無力惟韓洎劉

監察御史韓泰劉禹錫同憤霑臆道之不行銜媿罔極公在左

掖議登秋官先定於志將發其難決白無狀以申禍

端秉心撰詞義不可干會逢友累累力為切謂坐與楊憑善而坐貶謫

曾莫自安感於楮中楮中呂切左傳成公三年荀瑩之在楚也鄭賈人有將寘諸楮

中出既謀之未行而楚人歸之有涕洟瀾沈瀾切瀾瀾
賈人如晉荀瑩善視之如實出已切瀾瀾
官
切
嗚呼哀哉壽宮久翳狼荒萬里禮不可違誠不可
弭抽哀洩憤舒文致美願邈海風以竊浴涖清明如
在神鑒何已嗚呼格思以慰勤止

祭呂衡州溫文

呂溫字化光一字和叔

維元和六年歲次辛卯九月癸巳朔某日友人守永
州司馬員外置同正員柳宗元謹遣書吏同曹書吏姓名

家人襄兒奉清酌庶羞之奠敬祭於呂八兄化光之
靈嗚呼天乎君子何厲厲惡也天實仇之生人何罪天

實讎之聰明正直行爲君子天則必速其死道德仁

初文

四十卷

四

義志存生人天則必天其身吾固知蒼蒼之無信莫
莫之無神今於化光之歿怨愈深而毒逾甚故復呼
天以云云天乎痛哉堯舜之道至大以簡仲尼之文
至幽以默千載紛爭或失或得倬乎吾兄獨取其直
貫於化始與道咸極推而下之法度不忒旁而肆之
中和允塞道大藝備斯爲全德而官止刺一州年不
逾四十佐王之志没而不立豈非修正直以召災好
仁義以速咎者耶宗元幼雖好學晚未聞道洎乎獲
友君子乃知適於中庸削去邪雜顯陳直正而爲道
不謬兄實使然嗚呼積乎中不必施於外裕乎古不

必諧於今二事相勘一作從古至少至於化光最爲

太甚理行第一尚非所長文章過人略而不有夙志

所蓄巍然可知貪愚皆貴險狠皆老則化光之天厄

反不榮歟所勸者志不得施蚩蚩之民不被化光之

德庸庸之俗不知化光之心斯言一出內若焚裂海

內甚廣知音幾人自友朋彫喪志業殆絕唯望化光

伸其宏略震耀昌大興行於時使斯人徒知我所立

今復往矣吾道息矣雖其存者志亦死矣臨江大哭

萬事已矣窮天之英貫古之識一朝去此終復何適

嗚呼化光今復何爲乎止乎行乎昧乎明乎豈蕩而

柳文

四十卷

五

爲大空與化無窮乎將結而爲光耀以助臨照乎豈

爲雨爲露以澤下土乎將爲雷爲霆以泄怨怒乎豈

爲鳳爲麟爲景星爲卿雲卿卽慶字以寓其神乎將爲金

爲錫爲圭爲璧以栖其魄乎豈復爲賢人以續其志

乎將奮爲明神以遂其義乎不然是昭昭者其得已

乎其不得已乎抑有知乎其無知乎彼且有知其可

使吾知之乎幽明茫然一動腸絕嗚呼化光庶或聽

之

祭李中丞文

御史官屬共祭

維貞元二十年歲次甲申五月某朔二十二日故吏

儒林郎守侍御史王播將仕郎守殿中侍御史穆贊

當作質字奉議郎行殿中侍御史馮邈承奉郎守監察御

史韓泰宣德郎行監察御史范傳正文林郎守監察

御史劉禹錫承務郎監察御史裏行柳宗元承務郎

監察御史裏行李程等謹以清酌之奠敬祭於故中

丞贈刑部侍郎李公之靈惟公堅貞守道潔廉成德

當官秉彛卓爾孤直高節外峻純誠內植臨事不回

執心無惑矯矯勁質一作質擢於天枝式是邦族粲其

羽儀發跡內史參其軍事古內地今鳳翔府自下廟上直詞

屢至廟眉波切前漢賈山白下廟上注廟也于後受邑歷撫疲人公去

柳文

四十一卷

六

逾久人滋咏呻復從京邑辟署司錄振其綱條端我

甸服黠吏屏氣屏必郢切貪官室慾赫赫有命登於王庭

邦賦以修國用是經實抗其長以奉準程校其簿書

無失竒贏音羈羸音盈謂殘餘物也進為正郎旬會是專句右侯古

候二切會古外切許也乃刺於商虎節登山出為商州刺史化壻為沃

壻音籍薄土也磽确為壻致夷於艱道途謳歌有詔徵還丞我御

史執其憲矩糾逖之志直清是舉慎擇寮吏必薪之

楚毛詩翹翹錯薪言刈其楚注楚雜薪之中尤翹翹者終始七載不忘祗勤事

無觀瞻道有屈伸皂囊密啓忠懇屢陳令望逾重名

卿是屬拖紳遽聞拖徒可切引也論語云疾君視之東首加朝服拖紳卷衣已

復卷與卷同復始死之招魂也禮記喪大記曰復者皆升自東榮中屋履危北面三號捲衣投於前

禮備賄贈贈作賄賄芳風切賄符遇切公羊曰車恩馬曰賄貨財曰賄注皆助生送死之禮也

加命服窀穸有時窀之倫切厚也窀音夕夜也左傳窀穸之事注猶長夜也歲月

逾感播等猥備官屬况當薦延承其規模奉以周旋

近或逾月遠則累年咸承至公官守獲全故事盡在

遺風藹然俯仰庭除顧慕潺湲致誠一觴拜訣堂筵

嗚呼哀哉

為韋京兆祭杜河中文

韋夏卿祭杜確

維年月日甲子京兆尹韋夏卿謹以清酌之奠敬祭

於故河中節度贈禮部尚書杜公之靈自古謀帥恒

柳文

四十卷

七

在諸儒晉登却穀亦以詩書却乞逆切左氏作卻從宏穀胡谷切左傳僖

公二十七年晉作三軍謀元帥趙襄曰卻穀可說禮樂而敦詩書爰及近代二柄殊

途授鉞之臣率由武夫時惟明靈道貫學徒天子有

命摠其戎車何以邦之維絳及蒲州名並屬河中有山有河

殿此大都殿下練切鎮也焜耀昌時振宣後學命服之盛光

於列岳謂保豐福永縻王爵壽如何期神不可度待

切嗚呼哀哉大曆之歲詔徵茂才時忝同道一作科俱

起草萊懷策既陳綸言煥開考第居甲大曆二年夏卿與弟正卿

及確同舉賢良方正高第自天昭回分命邦畿夏卿初為高陵主簿步武獲

陪同志為友星霜屢廻長我十年禮宜兄事曲禮十年以長

則凡周游歡洽莫不如志于後多幸謬列周行行戶
詩寘彼周行注行列也又同制書並命文昌及余稍遷吏部為

郎公屬中兵此馬分行夏卿為吏部員外郎再獲聯

事東西相望望音出處同道樂惟其常後余出刺九

載南服夏卿自給事中出公自左輔遂膺推轂推通

史記王者之遺將也跪而推轂貞元十五年以我勤

同州刺史杜確為河中尹河中晉絳觀察使魏闕爰搃九流貞元十五年夏卿為吏部侍郎九流九品也誰謂河廣願

言莫由烹魚之間往復相疇惠好斯厚惟以綢繆綢

由切繆余弟宗卿獲庇仁宇韋宗卿為河中從事命佐庶問忘

其愚魯假以羽翼俾之鸞翥鸞音軒翥章惠文我我

柳文 四十卷

惠文冠也秦時法赤紱在股紱音弗詩作芾諸侯以

此謂韋榮映斯極從容何補承慶惟深報恩無所鳴

呼哀哉天子震悼哀我良臣密印追贈尚書禮殷四

方興嗟况此故人循念平昔徘徊悲辛卜奕斯及禮

儀畢陳敬薦行潦洩哀茲辰嗚呼哀哉

為韋京兆祭太常崔少卿文韋夏卿

維年月日甲子京兆尹韋夏卿謹以清酌庶羞之奠

敬祭于亡友故太常少卿崔公之靈惟靈率是良志

蹈其吉德炳蔚文彩周流學殖丞職切左氏夫學殖

孔氏之訓專其傳釋黃老之言探乎幽蹟土革六書

奧秘是究是索

六書一曰象形二曰指事三曰會意四曰假借五曰諧聲六曰轉注並字

學 叩爾玄關保其真宅藝成行備披雲騁跡康莊未

窮 爾雅道五達謂之康六達謂之莊

濛汜已極 汜音似楚辭注汜水也言日出東方暘

谷之中暮入西極濛水之涯

嗚呼哀哉夙歲同道從容洛師

善洛詰朝

至于洛師唐東都

接袂交襟以邀以嬉策駕嵩少

嵩失弓切少失照切

嵩高少室二山名在河南府

沂舟瀍伊 沂音素瀍伊二水

笑咏周星 左傳一星

終矣謂十二年

其樂熙熙丹青可望青雲可期洛中十友談

者榮之惟鄭洎齊各登鼎司

鄭餘慶齊映

或喪或存山川

是違繫我夫子

繫烏兮鳥帝二切

宜相清時命之不遐孰不

悽悲嗚呼哀哉往佐居守及爾同寮笑邀交歡匪夕

柳文

四十卷

九

則朝入同其室出聯其鑣

甲騎切馬銜也

投文報章既歌且

謠及我為郎優游吏部公為御史持憲天路文陛徐

趨眷戀相顧歡愛之分有加于素自我于邁歷刺東

吳離憂十年復會名都余為侍郎銓摠攸居實得茂

彥奉其規模聯事合情又倍其初我尹京兆公亞奉

常步武相望佩玉以鏘謂保愉樂長此翱翔抱疾幾

何忽焉其亡嗚呼痛哉原念往昔愛均骨肉我有書

笥盈君尺牘寤言在耳今古何速失涕興哀匍匐往

哭撫筵一呼心馬摧剝

普木切

日月逾邁佳城遽卜素

車千里逶迤山谷

逶於危切迤余支切

晦爾精靈藏之斧屋

禮記

檀弓孔子曰吾見若覆夏屋者矣見若斧者矣馬鬣封之謂也 嗚呼哀哉丹旌卽路
祖奠在廷去此昭昭就爾冥冥敬陳河酌以告明靈
詩大雅河酌彼行潦注水之薄者遠酌取之 臨觴永慟庶寫哀誠嗚呼哀
哉伏惟尚饗

為李京兆祭楊疑郎中文 李實

維貞元十九年歲次癸未四月辛未朔某日檢校工
部尚書京兆尹司農卿李實謹以清酌庶羞之奠敬
祭于故兵部郎中楊公之靈惟靈清標霜潔馨德蘭
薰冲和茂著孝友彰聞濬發洪緒激揚清芬思侔德
祖 思蘇恣切後漢楊修字德祖 學紹子雲 楊雄二事並楊姓 瑩彼靈府彬

柳文

四十卷

十

其英文吐論冠時舒華軼群 軼音逸 百氏之奧一言可

分旁貫釋老豈伊典墳謂躡公相 躡泥輒切 贊揚聖君高

山安仰逝水云云嗚呼哀哉惟是伯仲並為士則 疑凡

憑弟凌皆 連擢首科 大曆九年憑中進士第十二年疑中進士第 迭居顯

職公之懿美發自朋僚播於四方令問克昭炯然獨

識卓爾孤標翼翼其容羽儀清朝載筆東掖動無不

紀 掖夷益切疑為右史善事不回 起草南宮時論增美 疑遷司封員外郎革正封

邑中明嫡滕 大梁有艱天子是使 貞元十二年疑為正聲彰聞

是時宣武帥李萬榮 密勿之謀唯道是履復歸郎署

職茲中兵 貞元十八年疑起 簡稽無撓以考其成 禮周

遂人注簡稽士卒兵器簿書簡猶閱也稽猶計也英風未攄沉痾遽嬰病於何切

也病孰云積善降以促齡昔歲江表獲同宴語謬為好

仁不我遐阻公之元兄謂楊憑復惠德音優游多暇眷

眄逾深清言盈耳尺素相尋冀茲競爽左傳昭公三年晏子曰二

惠競爽猶可又弱一個馬姜其危哉焜耀儒林及此彫落祗摧我心嗚

呼哀哉遣車就引遺語戰切禮記雜記注遣車載所包遣奠而藏之者大夫以上乃有

遣哀挽先路挽無反切引也挽歌者喪家之樂執紼者相和之聲迅風悽悲頽

景幽暮傾都殄瘁揮涕相顧矧茲故人誰任痛慕潢

汗一觴詎寫平素尚饗

為安南楊侍御祭張都護文祭張舟

柳文 四十卷 十一

維年月日故吏某職官某敬祭于故都護御史中丞

張公之靈交州之大南極天際禹績無施秦強莫制

或賓或叛越自漢世聖唐宣風初鮮寧歲稍臣卉服

漸化椎髻椎傳追切髻音計卒為華人流我愷悌士燮之理

惟公克繼三國吳志士燮字彥威漢末為交趾太守在郡二十年疆場無事勤勞遠

圖敷贖嘉惠銅柱南表前功載修元和元年張舟自安南經略副使遷

都護本管經略使乃復銅柱以正封略空道北出空與孔同張騫傳樓蘭姑師小國當空道

式遏蠻貊將侯切聚居也一日隅也梯航連連旌旗悠悠輻輳都

會皇威以流方荷天寵宜公宜侯聲馳帝鄉魄降炎

州禮記體魄則降謂死也嗚呼哀哉公昔試吏時推清能公昔

乘輶輶音遙使者車謂為安南經略巡官人知準繩鯨鯨以安征賦用

登柱史稍遷郎曹繼昇程功佐理海裔斯澄張舟三歷御史

檢校尚書禮部員外郎轉禮部郎中為安南副都護充經略副使乃紀南方專任是

憑謂遷檢校太子右庶子兼安南都護兼御史中丞充本管經略安撫處置等使禮分五玉

恩錫百朋尚書修五禮五玉毛詩青青者義錫我百朋注古者貨貝五貝為朋百朋言得祿之

多開府辟掾群英攸屬顧茲陋微敢廁甄錄甄音延切續

受筐篚載加命服賜有楚冠用慙豸角豸音澤買切續漢志云獬豸

神羊能別曲直楚王嘗獲之故以為冠星言赴命注望幃幄幃音帷一視險

如夷瞻程非邈伯氏左宦謂侍御之兄爰滯中途流連隱

憂言念涕濡子姓莫在使命頓殊一作命兢魂弔影敢

柳文 四十卷 十一

廢斯須情留江徼音叫寔結天隅恩切有裕詩此令兄弟綽綽有

裕義乖從役顧慕長慟展轉增惕奮力猶在奮音呂脊骨也

或从肉此宜作旅詩旅力方剛注旅衆也中腸屢激方俟銷憂永期投跡

謙德不福法星降災庭懸遽徹禮記大夫無故不徹懸注懸樂器鍾磬之

屬喪則駟計爰來駟音日驛傳也撫躬益恨循顧增哀瞻容

莫及報德何階轄車北轅轄音茜喪車也申奠克諧望拜徒

至音塵永乖南州斗酒後漢曹操祭橋玄墓曰庶寫

幽懷

祭萬年裴令文 裴壘字封叔

惟靈孝友之性實惟天與飾以儒書洽其譽處詩是有

譽處 杌然其量 杌虛懸切疑當作嗎虛大 廓爾其宇

人以義來我以身許褰裳赴急不避寒暑交半域中

多容鮮拒賢於博奕媚茲讌語或泛或沉兩得其所

考禮成文墜章克舉 唐自開元制禮去國恤一章累聖陵寢皆因事肇綴裴墜佐杜

黃裳聯奉崇陵豐陵禮儀乃撰二陵集禮藏之南閣 展樂承職音官式序 裴墜為太

常王簿作坐立二部伎圖 既聯奏復 謂二陵集禮 亦圖筍虞 音笋巨懸鍾磬者橫

日筍直日簾 播在奉常求傳儀矩脫略細謹傲忽煩言坦

然自居無顧仇怨 叶韻音寬辭也志也 卒成官謗莫究禍源坐

黜中徙再期騰騫 音軒飛貌下从鳥裴墜為金川滑史所謫御史按章具獄再謫道州

循州為佐掾 孰云蓄憤遠此歸魂嗚呼哀哉世稱姻黨鮮

柳文 四十卷 十三

克終吉唯我與君久而逾密追惟淑德嬪于君室 墜

子厚之姪 上順尊卑下歡儔匹致其孝敬式是仁恤爰及

童孩處心勿失君之仲季 墜兄堅弟植頃皆有文 茂於文術游

藝相從操觚散帙 操倉刀切觚音孤木之方者古人用之以書猶今之簡也 顧余

蹇劣厠迹奔逸 莊子顏回曰夫子奔逸絕塵而回睨乎在後 二紀于今交

情若一屢聞彫缺互見遷黜契闊伶俜 契詰結切詩死生契闊注

勤苦也冷音零傳音丁切行不正貌一云猶零丁也流落貌 分形間質 間音間注厠之間方

期末路稍追曩日時不我謀於馬斯畢營營衛尉 墜

兄弟 獨守邦秩想其永哀淮海蕭瑟嗚呼哀哉聞疾馳

簡其命未返翩其計書來自番禺 番禺音潘禺音愚番禺二山名在南海

今虞 瑰守窮荒山夔與居夔渠追切國語木石之堅

人而猴身能言獨足有眉不申有志不舒况逢零悴當此囚拘

拊膺長慟長慟何如一作天菲禮無取沉哀有餘鳴

呼哀哉

祭呂敬叔文呂恭字敬叔呂溫之弟

維年月日朔友人從內兄守永州司馬員外置同正

員柳宗元謹以酒肉之奠致祭於亡友呂敬叔之魂

嗚呼鞠躬歷聘或以不答孔子屠漁乖離夫何克合

大或不容小或見遺往來逢迎今古

惟子之中忠勇充之以誠與物退受

柳文 四十卷 十四

其疵智謀宏長辯論恢竒巖我博大巖一作巍與世異姿

何付之器而躓於時躓音致常曰余武王功是期誓者

其力以達皇威着音音詩頌邊鄙不靖俾供輿師左傳

成公二年毋令輿師陷入君地輿輿也呂恭為山南

西道掌書記江西團練使參軍桂管防禦使嶺南節

度判官諸侯順道戎貊咸宜今其沒矣哀志之違知之

無補世又罕知嗚呼哀哉昔與子游尚疑其志及觀

其長誠任其事日異其能歲增其智進如川行浩浩

而遂天乎有亡中道是棄余慎取友惟心之虔周遊

人間餘二十年擯辱非耻升揚非賢一貫於道無四

五馬子之我知不以事遷言而見信貌阻心傳我黜

終世子夭於前徒稱子志誰信我言與子俱已孰云

後先惟子之兄謂呂溫志同義比官刺一州四十而死過市專切疾速也

子仕方初百年有幾如何默默去我嗟已疾速也

有釋之妻有弱之子海墻東周號哭萬里墻而宣切海墻循州

敬叔死處東周洛陽敬叔葬處葵紉之行獲出於此紉直忍切爰陳酒肉

式嘉且旨讀茲哀辭以奠而誅魯水切嗚呼敬叔吾道

已矣尚饗

祭崔君敏文 永州刺史

夫產崑崙者難為玉植鄧林者難為木公以令望顯

於華族藝邃六書字書也學該七錄梁處士阮孝緒博采宋齊以來王公

柳文 四十卷 十五

之家凡有書記參校官簿更為七錄一曰經典錄紀

六藝二曰紀傳錄紀史傳三曰子兵錄紀子晝四曰

文集錄紀詩賦五曰伎術錄此黃老六曰道錄此黃老七曰道錄此黃老八曰道錄此黃老

辱入補黑衣戰國策左師觸龍曰願得補黑衣之數以衛王官謂崔敏以千牛備身佐環衛

也 出參旬服敏為監屋三原藍田尉三邑皆屬京兆紀綱淮海政令惟

肅書禹貢淮海惟揚州謂敏遷揚州錄事參軍宰制岳濱周於仁育謂為許州

臨穎汝州龍興令儲聞典議直清攸屬之欲切謂自揚州久入為太子司議郎

次推能二州繼牧謂為歸州刺史遷永州至于是邦率由舊俗

和易勿亟優游自足既有少吏勤于庶獄妖誣殄除

淫祠翦覆出令三歲人無怨讟徒谷切進律未行歸神

何速其咸咸一作頌以罪戾謫茲炎方公垂惠和枯槁以

光鳴鑿適野泛鷓公湘

鷓倪歷切亦作鷓舡首畫鷓

廣筵命樂華

燭飛觴高歌屢舞終以無荒紛慮斯併憂懷暫忘良
時不再斯樂難常今其柰何顧慕感傷嗚呼室有迭
去川無息流追懷曩辰恍若夢遊莫徹中寢魂遷乘
舟邦人永思匍匐隱憂况我懷德心焉若抽潔誠可
鑒蘋藻非羞

祭段弘古文

世病乎直人悅其和行而不容雖聖奈何提其信義
誰與同波磴磴以經磴丘耕切堅勁貌堅不可磨游得其人
友擇其益弘古見李景儉呂溫留門下夜與言不知日出温卒景儉遂乃南見劉禹錫柳宗元

柳文

四十卷

十六

二人言於崔公公時治永州知其賢

始如可進終會於厄精誠介然將

貫金石追恩懷舊興詞憤激君昔來辱備聞嘉言宵

會北堂晝宴南軒去適於越

弘古南抵容州實群過桂林守拒不為禮憤怒

發病死逆旅中

不日其旋載除我居望爾北轅今者之來丹

旒有翩闕茲英志限此中年嗚呼哀哉居實斯貧有
子而幼孰云履信惟天所佑道途之資敢廢于舊志
君之行銘石斯授有潔其觴有楚其豆庶鑒于誠臨
茲饗侑

祭李中明文

李行敏字中明

致祭于亡友中明之靈夫子之道邈以恒兮夫子之

志勵以兢兮求中慊末若履水兮敦仁以孝實烝烝

兮唯毀死虧禮其他莫懲兮一本作誰毀無虧禮莫懲兮秉端守

一信厥明兮月踰歲長行若登兮外温其顏內類直

繩兮謾言來加不遽陵兮舉世群非自視弘兮庶優

游于道大賚是承兮掩寃舒抑與類升兮胡茫茫其

不信卒以禍仍兮豈韜忠哀信一作履誼一作履信哀一作裏鬼所

憎兮將教言吾欺終不可徵兮吾方期于於暮冀有

興兮今而棄余志若崩兮若將援而上喪厥肱兮恒

其殞心交背膺兮水之綿綿山萬層兮又淫以雨雪

紆委硯礪兮礪切並石貌鴟鵂夜啼群瞑凝兮充

柳文 四十卷 十七

脂切焉屬鴟音魂鬼以行中道殘苑兮一本鬼作思

休鴟鴞惡鳥名魑魅擣呵曷可憑兮殘方并切苑

集韻巨與切唐韻其聊致吾慎斯言孰稱兮魑丑知切

矜切老精物擣音摩相擣也阿虎何切責也怒也與訶同鬼屬魑莫

慎當作贖

哭張後餘辭 并序

後餘常山張氏孝其家忠其友為經術甚邃而文少

余七年頗弟畜之與之居終日冲然忘其有人與之

言鏗爾而厲辯而歸乎中凡人有道而不顯於世則

曰非其世也一無則道而得乎世然猶不顯則曰命

猶一命之微不可知知而索乎外者曰性與後餘

之性可謂良矣其貌可謂肅矣一無可謂博實弘裕

宜為大官耆老求其所以夭賤無可得焉既得進士

明年疽發髀卒後餘之死人咸痛之曰天之佑善人

而殺是子何也激者曰天之殺恒在善人而佑不肖

莊周之說以為人之君子天之小人張君豈天所謂

小人者耶是二者又非論之適也吾謂善與惡天與

壽貴與賤異道而出者也無取喜怒於其中道之出

者多其合焉者固少是以君子之難貴且壽也後餘

母老而喪良子東西者一西下助之哭焉况其知者

耶然後餘不與詔冒者同貴不與悖亂者同壽歸察

柳文 四十卷 十八

乎身聞道而死雖勿哭焉可也嗚呼一此下更使既

聞道而且貴且壽則其顯庸也遠矣又烏能勿痛乎

遂哭之以辭嗟嗟張君善不必壽惟道之聞一日為

老人皆反是百稔猶幼子之優游是亦黃耆嗟嗟張

君寵不必貴尊嚴為仁早服高位淫諛肆慾銀文淪

棄銀印艾子之崇高無媿三事吾見皤皤而童皤博

赫赫而辱進襦袴於几杖負泥塗於冕服已雖有餘

人視不足子之跡不混乎其間者幸也宜賀而弔宜

歌而哭吾其過乎與其寵而加貴善而加壽道施于

人慶及于母從容邦家樂我朋友豈不光裕顯大歟

而不克也則弔而哭者其無過乎嗚呼

楊氏子承之哀辭 并序 楊憑之姪

楊氏子承之既冠有成人之道其明年四月不幸而夭其外姻解人柳宗元為之慟且出涕噫是子也氣淳以愿志專以勤確然而直方吾未知其止也作辭賦書論其言甚偉余方愛之謂可以為器者故不知慟且出涕况其親戚者乎凡天之生物也不類精麤紛瓌一本作疢亂賢愚混同或遠而合或親而殊然則雖人親戚亦將有不克知其美者若楊氏子者其親戚皆賢咸得知之者也使知之徒以增其悲愁怨號之

柳文

四十卷

十九

聲無為也用是為之辭以相其哀焉 相息亮切

葆醇熙兮承貞則懿文章兮好循直誠耿介兮又綽

寬學之勤兮行彌專質圭璋兮文虎豹超凌厲兮馳

聖道力未具兮志求通道之遠兮足先窮有母嗷嗷

今有弟哀號 嗷音叫 世父孔悲兮 父之兄弟先生為世父後生為叔父 湘

水滔滔去昭曠兮沉幽冥魂冥冥兮竟難託 難一作誰 死

者靜兮生者愁子之叔兮徒增憂志甚良兮命甚盛

子之生兮又何欲悲吾耳兮 吾耳一作于身 動吾神誰使子

兮淑且仁嗚呼已乎不可追終怨苦兮徒何為 徒一作獨

唐柳先生集卷之四十

唐柳先生集卷之四十一

祭文

舜廟祈晴文

代永州刺史作

年月日某官某敢用牲牢之奠昭祭于虞帝之神帝
入大麓雷雨不迷帝在璿璣七政以齊九澤既陂錫
禹玄圭至德神化後王與稽勤事南巡祀典以濟此
鳥告終此謂零宜福遺黎廟貌如在精誠不睽今陽
德德候有滄溟溟詩大田有滄溟降是水潦混為塗
泥岸有善崩流或斷隄泛濫疇隴陂陲圃畦恒雨獲
辰循咎增悽忍茲嘉生均彼蓬藜敢望誅黑蜮蜮音淮

柳文

西十一卷

南子黑蜮神也潛泉中而居天將雨則躍

扶陰蜮扶音秩擊也

式乾后土蜮音同虹也

為

以廓天倪粲盛不害餘糧可穫或斲或澍音搜漸

為

酒為醢鎗鎗鎗坎坎鼓鞀百代祀德毗心不攜豈
獨蘋藻微諸澗溪帝其聽之無作神羞

雷塘禱雨文

柳州作一本載於韓文者誤

惟神之居為坎為雷專此二象宅于巖隈風馬雲車
馬一作併肅焉徘徊能澤地產以祛人災欽茲有靈爰以

廟饗神惟智知我以誠往苟失其應人將安仰歲既

旱暵害茲生長

積音漢無氣也長丁丈切

敢用昭告期于盼饗

黑

乙詐訖二切饗音享猶真漢也一云濕生虫

某自朝受命臨茲齋壤莅政

方初庶無淫枉潔廉自持忠信是仗苟有獲戾神其

可罔擢擢嘉生惟天之養豈使粢盛夷於草莽粢音咨盛

騰波通氣出地奮響欽若成功惟神是獎

祭燾文

元和十四年裴行立計黃賊因作此本注云為裴中丞

維年月日某官以牲牢之奠祭于燾神以旄牛尾為之在左駢馬

惟昔禮有大特化為巨梓秦人憑神乃建葑

頭史記秦襄公二十七年伐南山大梓豐大特注徐廣曰今武都故道有怒特祠圖大牛上生樹本有

半從木中出後見於澧水之中列異傳曰秦文公時梓樹化為牛以騎擊之下勝或墮地髮解被髮牛畏

之入水故秦因是置旄頭是為兵主用以行師漢宗

蚩尤前漢高祖紀亦作靈旗既類既禡指于有罪禡音馮

柳文四十一卷

罵師祭也史記漢武帝為伐南越以牝荆画幡為太一鋒名曰靈旗為兵禱則太史奉以指所伐國北

面詔盟抗侯以射抗若浪切詩賓之初筵大侯既抗雖有古典今棄

不用惟茲之制神實守祀有蠢黃孽孽妖也謂黃少狎保固

虐人俾茲太平猶用戎律天子有命施威于下惟守

臣某董眾撫師秉羽先刃出用茲日敢脩外事禮記外事

爰薦求牛周禮牛人祭祀共其享牛求牛求牛者禱祀求福之牛庶無留

行以殄有罪國有祀典屬于神明傷夷大命無敢私

顧惟克勝敵以全天兵去茲蝥蟥上音矛下音賊並食苗虫達我

涵育收厥隸圍役于校人隸即計切役也圍養馬者校音效周禮蠻隸掌役校

海隅黎獻永底于理無或頓刃頓徒困切通作鈍左傳襄公五

年甲兵不頓注頓壞也以為神耻急急如律令

禡牙文事同上篇

維年月日某官某以清酌少牢之奠禡于軍牙之神

禡音罵師祭也兵書曰牙旗者將軍之精凡始豎牙必以剛日剛日者謂上剋也兵牙之日吉氣來應大

徵秦定百越秦始皇三十二年取百越之地以為南海桂林象郡漢開九郡

漢武帝元鼎六年定越地以為南海蒼梧自茲編列

同于諸華天寶兆亂北方荐役惟是南方久稽討伐

藩蠻怙險孔字生聚恃傲威命虐夷齊人黃姓陋夔

夔魚列切實恣暴盜僮壯殺老掠效使臣效與奪同

梟視洞窟梟堅以逃大戮今皇帝憲宗受天景命敷

于有仁凡百凶毒罔不震伐齊魯誼殄魯一本作青

趙魏顯化趙謂成德軍節度使王承宗以德棣二

道溥天之下咸順帝理唯是瑣眇尚恣昏

頑致天震怒命底于罰官臣某裴行立也左傳襄公

先後之注官欽率邦典統戎于征惟爾有神懋揚迺

職敢告無縱詭類無劉我徒左傳成公十三年鏃刃

鋒鏑畢集于兇躬鏃于木切矢末也鎧甲于盾咸完

于義軀鎧苦盖切甲也焚燭蕩沃燭餘往如行虛俾

人懷于安以靖離之隅南方在是舉也往欽哉無作

神羞急急如律令

祭井文 元和十一年刺柳州作

致祭于水土之神惟神蓄是玄德演為人用國語夫而民用也注水不窮之養功齊乳湏湏多貢鬻勇二切乳汁也惟

古有制八家所共黃帝制井田鑿井其中八家共之是邦闕焉官守

斯恐蘊利茲久闕靈則深爰告有神惟惻我心易井

潔不食為卜茲利兆于彼城陰神斯有仁是鑒是臨

我心惻作西今則順道終古

惟昔善崩今則堅好惟昔遶石作西今則順道終古

所無聿從心禱非神是與人力焉保發自玄冥成于

富媪媪烏皓切女老稱前漢郊祀歌后土富媪注坤為母故稱媪也克長厥靈不愛

其寶敬脩報禮式薦蘋藻

柳文 四十一卷

崇門文 祈晴也崇音詠祭名

崇于城門之神惟神配陰含德司其翕闢能收水沴

以佑成績沴音及妖也淫雨斯降害于麩麥野夫興

憂官守增惕諸陰既閉陰一本作陽誤前漢董仲舒治國以春秋災異之變推陰

陽所以錯行故求雨閉諸陽縱諸陰其止兩反是休徵未獲敬用瓢齊上婢

下在今切周禮鬯人崇門用瓢齊以展周索索悉各

注云齊音資謂取其鬯割去柢納其雲氣復

定公四年周索注索法也潘云索色格切周禮國索鬼神而祭祀乃蜡祭也

我川澤惟神是依式佇來格 祭六伯母文 臨邛令之妻李氏也子厚代叔父作

維貞元十七年歲次辛巳二月癸巳朔二十五日丁

已姪男華州華陰縣主簿繻詩云謹以清酌庶羞之

奠敬祭于六伯母之靈伏惟天賜考壽神資淑德高

明而和柔惠且直敬長慈幼宗姻仰則不借貴位孰

不悽惻嗚呼哀哉移天夙喪文選二十移所天注女

夫移所天謂嫁夫也丁此閔凶主噐繼天易長子莫承于宗懿

彼賢女孝誠自中温温良人竟揚德風承順必敬滑

甘則豐致養有榮其道克終天禍敝族遠承哀計遇

切纏牽官事奔哭無路亦既請告聿來京師以號以

呼祗拜堂帷子姓彫落宗門日衰託于外姻陳此靈

儀李氏三女婿李伯和王紆陳襄皆賢貞元十六年王氏女扶侍至京師遇疾卒于陳氏自小歛至于

柳文 卷十一

大歛二婚實參王之有孫二人幼女號戀誓言固之

長曰曹即奉之以練而正于位內顧孱眇祗益摧

悲房鉏山切誠愧于人豈曰得宜今歲調選並去聲獲

參士林主其簿書于華之陰受祿雖微莫逐曩心夙

駕東征祖輶將臨輒蒲發切朔望是違哀懷豈任嗚呼

哀哉

祭獨孤氏丈母文 獨孤申叔之母

維年月日某以清酌之奠祭于獨孤氏丈母之靈惟

靈育德涵仁克生賢子獨孤申叔字子重卒年二十七生而不淑未

壯而死名播九圍望高群士雖微祿位人羨其美在

抱無孫承家乏祀孝女良婿適遵燕喜某曩與子重
道契義均知心為貴實在斯人奉養宜繼將致其勤
竟罹禍諳逾紀漂淪夙志斯阻微衷莫申冀榮末路
私願獲陳遽此承訃天乎不仁嗚呼哀哉昔也高堂
世悲其獨今茲玄室孝道當復神感昭融不疾而速
靈識逾濬承歡載穆式致其安寧寘其毒願言有知
以慰幽躅闕除
王切

祭從兄文

柳寬字存諒子厚五從族兄

嗚呼我姓嬋媯上音嬋下於
度切長貌由古而蕃鍾鼎世紹圭

茅並分至于有國爵列加尊聯事尚書十有八人中

柳文 四十一卷

遭諸武抑遏讐冤踣敝不振踣蒲北匪
侯二切數逾百年近

者紛紛稍出能賢族屬旌矐旌與
旌同期復于前君修其

辭楚越猶傳從事諸侯假乎郡藩乎疑當作守柳寬
從事廣南假守支

人謠吏畏威惠咸宣神乎我欺命返不延寬中厲
氣嘔泄

卒年四十七興起之望是越是愆歲首去我將濱海壘留

遊歡娛涉月彌旬夜爇膏炬晝凌風煙理策嘔嗽上
虧

丁切說文口險也
下音斂或作嶽同縻舟潺湲潺鈕山切湲于
權切水流貌將辭又

醉就往而旋今者之來徒御淒然垂帷襜褕襜虫占
切垂貌

衣蔽
前也飛旒翻翻升拜無形合哭誰聞逝歸從附于鄧

之原銘墓有辭發我狂言祗陳其悲匪暇于文觴有

音酒豆有狔肩狔與豚同伊莫之菲而誠孔繁靈耶

罔耶有涕漣漣

祭弟宗直文 子厚同祖異父弟字正大

維年月日元和十年七月八哥以清酌之奠祭于亡弟十郎

之靈吾門彫喪歲月已久但見禍譴未聞昌延使爾

有志不得存立延陵已上四房子姓各為單子慥慥

早天慥七到切汝又繼終兩房祭祀今已無主吾又未有

男子爾曹則雖有如無一門嗣續不絕如綫即線字係公羊

傳仁義正直天竟不知理極道垂無所告訴汝生有

志氣好善嫉邪勤學成癖攻文致病年纔三十不祿

柳文 四十一卷 七

命盡蒼天蒼天豈有真宰如汝德業尚早合出身由

吾被謗年深使汝負才自棄志願不就罪非他人死

喪之中益復為媿汝墨法絕代識者尚稀及所著文

不令沉沒吾皆收錄以授知音文類之功宗直撰西漢文類四

卷十更亦廣布使傳於世人以慰汝靈知在永州私有

孕婦吾專優恤以俟其期男為小宗女亦當愛延子

長大必使有歸撫育教視使如已子吾身未死如汝

存焉炎荒萬里毒瘴充塞汝已久病來此伴吾到未

數日自云小差雷塘靈泉言笑如故一寐不覺便為

古人茫茫上天豈知此痛郡城之隅佛寺之比飾以

殞糾文切寄於高原死生同歸誓不相弃庶幾有靈
知我哀懇

祭姊夫崔使君簡文 元和七年藁葬永州

永州刺史博陵崔公之靈天之生人或哲或愚君取

其英爰曜于初譽動京邑施于方隅密勿書奏元侯

是俞崔簡貞元五年中進士第旋入山南西道節度使為掌書記至府留後蜀寇內侮

禍聯羗髻髻茂侯切夷名羗在西蜀髻在巴蜀叶韻髻讀如摸君出顯畫披攘

其徒南平劍門西獲戎俘超受刑曹留摠南都簡在

凡五徙取六增官至刑部員外郎為府留後移刺連部部一本作州謂簡自山南西道府遷

刺史下民其蘇道不可常病惑中途悍石是餌元精

柳文 四十二卷

以渝簡後餌五石雷謗爰興按驗增誣簡自連州徙永州未至而

連州人訴簡御史按章具獄坐流驩州始雖進律終以論辜記王制有功德于民

者加地進祥注律法也溟海浩浩而君是踰嵩山茫茫而君是

居嵩疑當作崇崇山驪厥弟抗憤叫于康衢天子憫

馬訊以文書御史既斥連帥是除簡幼弟諱闕公寬天子為之黜連帥

罷御期復中壤遽淪別區喪還大浸又溺二孤簡子

宇諡奉簡之喪踰海水遇暴風二孤溺死痛毒荐仍振古所無何謫于天

降此翦屠柩不及歸寓堊荒墟將葺將就誓還里閭

嗚呼哀哉君之子姓惟自我出母儀先虧簡妻柳氏先十年卒

父訓又失莞莞相視莞渠管切憂也與莞悼同撫悼增恤成冀其

才以大家室惟昔與君年殊志匹晝咨夕計期正文
律實契師友豈伊親昵誰謂斯人變易成疾良志莫
踐乖離永訣嗚呼哀哉永山之西湘水之東殞糾以
出斧屋爰封記檀弓封有若覆夏屋者矣有若斧者矣神非久留息駕于
中書石爲誌世德斯崇手斟以酌童云斟音拘挹也酌也酌魯外切
涕出焉窮

又祭崔簡神柩歸上都文

嘻乎崔公之柩柩巨故切嘻乎崔公楚之南其土不可以
室或坳而頽分符切切塵也或確而峯確音慙堯誦切上多大石峯作及昨律二
切詩注云峯者崔鬼陰流泄漏瀦沒滃溢臧思廉切爾雅泉曰見一否爲瀦郭璞曰

柳文

四十一卷

九

纒有貌碩鼠大蟻傍穿側出虧踈脆薄久乃自窒不如

君之鄉式堅且密嘻乎崔公楚之南其鬼不可與友

蹀戾佻險佻音超輕也偷也睽睽欺苟睽矢丹切暫視貌又驚視貌神書刃切張

日也睽賤暗胷睽坐果切細碎無大畧胷古忽字輕囂妄走囂音銀不思

已類好是群醜不如君之鄉式和且偶日月甚良子

姓甚勤具是舟輦輦音豫兒車也寧君之神去爾夷方返爾

故隣弃弃其歸宜樂且欣君死而還我生而留遠矣

殊世曷從之遊酌觴于座與涕俱流

祭崔氏外甥文

即處道守訥逾海溺死者

年月日八舅十舅敬祭外甥韋六小卿之魂嗚呼生

有孝姿淑且茂兮謂吉其終道克就兮胡典典主也而

喪離厥咎兮蹈道而違死誰祐兮豈汝之昧不能究

兮將奪之鑿使昏瞶兮霧武賦切與霧同反復攪予哀何救

兮骨肉無從魂馬覲兮庶幾來歸餒以侑兮餒音俊禮記沆

食餘曰餒言祭簡之餘以祭二甥酒實于觴肉盈豆兮豈伊異人余

所授兮來耶否耶歆氣臭兮

祭崔氏外甥女文

簡之女名媛嫁則州司戶薛異

叔舅宗元祭于二十六娘子之靈凡我諸甥惟爾為

首甥於我氏恩顧彌厚惠明貞淑仁愛孝友女德之

全素風斯守播於族屬芬馨自久恭惟伯姑崔氏之母厚

柳文 四十一卷

姑也道茂行高上承下訓克敬能勞夙有儀則刑于汝

曹雖云性善抑自良陶汝之先君謂崔簡以文誨我周

流辯論有疑必果恒革其非以成其可孰云具美易

以生禍汝及諸弟流離莫從幸獲我依以慰困窮歸

之令族有蔚其容方冀榮壽遽罹災凶嗚呼哀哉汝

自艱酷二弟繼終海門之哀今古罕同駢也英文敷

暢浩通賞期振耀弘我儒風又茲天闕神理何蒙天於

表切闕音過盛德餘慶宜福其豐胡然降戾惟禍之逢嗚

呼哀哉前歲詔追廷授遠牧元和十年子厚召至京師又出為柳州刺史

武陵便道往來信宿武陵即州幸茲再見緩我心曲猶

且輕別瞻程務速孰知自此遂間幽躅除王切臨視無

路遡風慟哭怛焉自中如刀之觸邱阜有位青鳥載

崔氏塋北邱山南青鳥乃相墓書道途尚艱歲月逾感方俟歸紉

文忍切再期奠沃寄哀斯文心焉往復嗚呼哀哉

祭外甥崔駢文崔簡之子

祭于卿郎之魂嗚呼天恡靈竒恡即吝字取不可貪既瘠

又力神誰以堪汝不是思而縱其志盜其管籥塞其

篋置抽深挾密擔重揭貴揭立架切舉也又巨列切負也守吏失職

訴帝行事果殄爾躬以寧其位豈不信耶不然無鬼

誅之行而中道夭死壯子為不善者見其之有拔類之才而三

柳文

四十一卷

見廢委仁充其驅毒中骨體其何以爲累也兄弟逾

十我出惟八左傳成公十四年我之目出注外甥也謂柳氏所生八子既孤數祀

中分存沒我爲汝舅汝爲我甥求仁具得爲藝繼成

天下莫倫古罕並行人而思之幾不欲生嗚呼哀哉

既致其愛祗極其哀秦越萬里心魂徘徊念與汝別

桓公之臺顧余猶壯視爾如孩戲抽佛笑笑即策字今謂之籤

前次墮隈上使何切下鳥田切水曲也笑領即路鳴鞘不迴鞘音稍又

音笑刃室也選詩長鉞鳴鞘中豈云古今自此而乖孰爲鬼神忍是

陰誅得疾之日兄弟莫在謁醫問巫卒以幽昧塋之

東野誰期誰會期撫鳳切贈送死也既虞以奠誰主誰酌酌魯外切

虞祭名禮記莖既已竟豈若速反而虞祭以安神靈孤魂冥冥何託何逝嗚呼哀哉刑曹繼之以病告余銜憂驅使裹藥操書雖驚狀劇猶恃神扶豈知所賴終以誤吾我自得罪無望還都想爾新墓少陵之隅何時歸附圮土下呼清淚徹壙以沾以塗此心未慊祗益摧紆累見于夢寧知有無寄之哀辭惟俎及壺嗚呼哀哉

怨毒之吹淫滿紙上讀祭之傷情之于叙事

柳文

四十一卷

二



12157

唐柳先生集卷之四十一

戊子四月初十日仁和黃燠看于一

